

## Leev Tante Finchen,



wat ech dech jetzt he schriewe donn, öm dat zo bejriefe moß m'r schon höhere Politikwesseschaft stodeere. De Lokalpolitiker hant de joode Afsecht jehatt, d'r Schwerlastverkehr us em Hasseler Zentrom fottzohalde. Brav, brav! Bes en höher jestellde Bondesbehörd' op de jloreische Spleen kohm, an de Bublitzer Stroß e Brachjelände för en neue Zollaffädijung zo notze. On schon knobbele sech de ortsonkondije LKW-Fahrer us aller Herre Länder he en Hassels.

Am Denkmol, wo ech schon emol setz, krie ech reschtisch Mitleid met denne ärme Düwele us Usbekistan oder wo die öwerall herkomme, wenn ech senn, wie die et fönfte Mol en Rond driehe op de Söhk no dem Zollgebäude. Jede Versöhk, de Zoll an de Autohoff an de Autobahnaffahrt Riesholz zo verläje, soll de Bondesbehörd – de Nullekacker – us Kostejrönd, dat eene Jebäude wöhr e noch nit eso alt, afjelähnt han. Wenn ech sojät hör, komm ech en Raasch. Die hant för mech all eene an de Mötz!

Letzte Woch' verzällt mech de Pitter, dat de Werbejemeinschaft Hassels nix mieh mäkt. Ech wollt' dat esch jamit jlöwe, äwwer wie et ussüht, konnten de Verantwortliche dä Club nit mieh am Leewe halde. Schad jenoch, dat sech de Hasseler Jeschäftswelt us em öffentliche Leewe zoröcktrikt. Domet es Hassels öm en Attraktion ärmer jewohde. Äwwer de Hoffnong stürft zoletzt – wie m'r säht, vielleicht wöhd dä Verein jo widderbelevt. M' r weëß et nit.....

On noch jet, leev Tant, he em schöne Hassels jövt et jood e Dotzend sojenannte Schaukäste, do wöhden Nohrechte von Vereine, Politik, Jeschäfte on von de Kirk usw. erinnjehange, domet de Lütt he en Hassels öwwer de neuste Ereischnesse enformert wehde – äwwer wiet jefellt! De Informatione send zom jröbste Deel uralt, nix Aktuelles, on kinn Sau kömmert sech doröm. Ech ben emol jespannt, ob sech dat jetz emol ändere deht!

So es dat Mumpitz on öwwerflössisch.

Jenoch jeschängt, ech mach' Schloß för hütt – leewe Groß bes zom Schötzefest he en Hassels....

**Din Hänschen**

